



## Universitätsbibliothek Paderborn

**Nicolai Revsneri Iurisconsulti De Officiis Magistratvs, Et  
Svbditorvm In Repub. tām ciuili, quām literaria**

**Reusner, Nikolaus**

**Lavingae, 1581**

**VD16 R 1452**

De lisdem Oratio Tertia A Nicolao Revsnero Iurisconsvlto habita.

**urn:nbn:de:bvb:12-bsb00027814-7**

DE IIS DEM  
ORATIO TERTIA  
A NICOLAO REVS.  
NERO IVRIS CONSVL.  
to habita.



VOD DE ACHIL  
le traditum est à Poëtis:  
vna eademq; hasta eum  
Telepho et vulnus, & opé  
tulisse: idem planè mihi  
videor ad me ipsum con-  
uertere posse: si quod vul-  
nus anteà oratione mea inflixi: nunc iterum  
sanare, & quasi obligare studeam. Laudo au-  
tem in primis studium, officiumq; vestrum:  
Illustris Barones: quòd argumentum hoc di-  
cendi vos potissimum sumere volueritis: de  
quorum ego virtute, & industria, benè & sen-  
tire, & loqui semper soleo: quibus ornamen-  
tis magnos vos esse, vereque generosos, atque  
illustres, apud homines cordatos, & sapientes,  
existimare debetis. Et quoniam vobis mi-  
rum videri intelligo: quod quum & oculum  
videre, & aurem audire debere Salomon do-  
ceat; principem suum Thebanis cæcum, &  
auritum facere, in mentem potissimum vene-

xit

rit: conabor equidem, si ita vultis, emblemā  
loc suis quasi coloribus illustrare: & quām  
non modō vero consentaneum, sed & lepore  
quodam festiuum sit; oratione mea demon-  
strare. Quo in loco primū vos illud admo-  
nendos esse arbitror: olim, quum nondum,  
Platonis opera, loquax esse didicisset Carneā-  
dis, & Chrysippi sapientia; omnia breuibus  
symbolis, & quasi emblematis, quæ re ipsa  
quodammodo loquerētur, à sapientibus ho-  
minibus fuisse tradita; quæ ad vitæ humanae  
cultum, atque informationem pertinerent.  
Cuius generis sunt primorum illorum ho-  
minum, non modō Hebræorum, sed Aegy-  
ptiorum in primis, & Chaldæorum symbola:  
quæ hieroglyphica, id est, sacras sculpturas  
appellārunt: quibus mysteria quædam, & ar-  
cana sapientiæ suæ complexi sunt: quæ ijs dū-  
taxat cognita esse voluerunt; qui ijsdem sacris  
initiati forent: ne ab imperita multitudine  
temerè ea profanarentur. Quam Aegyptio-  
rum Philosophiam primū Chæremon tra-  
didisse fertur: vnà cum altero illo Oro Apol-  
line Niliaco: auxit deinde hanc Pythagoras:  
cuius adhuc extant symbola; quibus tanquā  
mysterijs quibusdam magnam doctrinæ suæ  
partem latere voluit: post quem multū de-  
inceps hanc artem illustrārunt Philosophi-  
tam Latini, quām Græci: quorum in nume-  
ro sunt Athenæus, Cyrillus, Clemens Ale-

C 5 xandrinus;

Alexádrinus, Pausanias, Porphyrius, Plinius,  
Apuleius, Plutarchus: & qui post hos, quos  
recésui, totam hanc sapientiam vno quasi vo-  
lumine complexus est, Ioan. Pierius Valeria-  
nus. Sic ex eodem sapientiæ fonte originem  
suam traxit Thebani illud principis simu-  
lacrum: quem & cæcum, & auritum fixerunt;  
alios verò judices, qui huic assident, man-  
cos; id est, manibus mutilatos. Ac cæcum  
quidem principem ideo fecerunt: ne is spe-  
ctator, & acceptator esset personarum: auri-  
tum verò, vt eò magis in ipsam causam in-  
tentus foret; neque quicquam per incuriam  
non audiret: ipsos denique iudices mancos;  
ne pecunia, & largitionibus se corrumpi pate-  
rentur. Manus enim supinæ, aut in pugnum  
compressæ auaritiam in hieroglyphicis nota-  
re solent: oculi verò, gratiam, & fauorem:  
aures autem, maximè si extantes sint, & aper-  
ta, docilitatem, & cognoscendi studium. Ca-  
put igitur est in omni procuraione negoti,  
& munieris publici: vt iniuriæ, & auaritia  
vel minima pellatur suspicio: & ne vel  
quæstui habeatur Respublica: vel contra eam,  
in cuiusquam fauorem, aut odium ali-  
quid committatur: quod non modò tur-  
pe, sed omnino sceleratum, & nefarium est.  
Quam ad rem non tam oculis opus est: quam  
auribus rectè intelligentibus: ne suspicioni-  
bus, aut coniecturis plus interdum tribuatur;

quam

quām fides & religio postulat: neūc ad gra-  
tiam varietur iudicium: sed vt conseruetur  
illud æquabile: & manifestis argumentis in-  
uestigetur causæ ipsius veritas. Nam vt Sol  
lucem suam æquè impertit omnibus tam  
pauperibus, quām diuitibus: ita iudex  
non tam personam, quām rem spectare de-  
bet. Et sicut vno clauso oculo acutius ple-  
rumque perspicit is, cui propositum est colli-  
neare hastam aliquò, aut sagittā: sic magistra-  
tus rectius intelligit ea, quæ iusta sunt: si nul-  
lius personæ respectu auocetur: neque opes,  
aut potentiam consecetur: sed totum se tra-  
dat Reipublicæ: totamq; eam sic tueatur; vt  
omnibus cōsulat: & simplicē veritatē, & æqui-  
tatē contra omnium odium defendat. Ponit  
enim personam priuati hominis; quū induit  
magistratus, aut potius ipsius Reipublicæ: cu-  
ius vnius dignitatem, & utilitatem spectare  
debet: etiam cum incommodo & suo, & suo  
rum. Itaq; omni affectu eum carere oportet,  
qui Rēpublicam gubernat: ne aut amo-  
re, aut cupiditate, aut iracundia, aut dolo-  
re, aut lætitia, aut spe, aut timore, aut er-  
rore, aut aliqua permotione mentis po-  
tius iudicare videatur: quām aut veritate,  
aut præscripto, aut iuris norma aliqua, aut  
iudicij formula, aut legibus: & vt semper,  
non quæ velit ipse, sed quæ salua fide facere  
possit, cogitet: denique vt legum similis sit:

qua

quæ ad iudicandū, aut puniendum non libidine, sed æquitate ducuntur. Praeclarè enim ille, quicunque dixit: eandem esse debere voluntatem iudicis, & legislatoris. Adeoq; sapiens, & iustus rex, vt Plato vult, est viua lex; qui è scrinio sui pectoris omnem deponit æquitatem: quæ sinistram odij, vel amoris dextram omnino nescit. Nam talis debet esse iuris, & legum minister: ne ullius auctoritate personæ in manu eius titubet, aut vacillet libra iustitiae: sed qui omnino ita veritati, honestatique adhærescat: vt nec de obtinendo, iure eum orari, nec de iniuria exorari oporteat: operamque det sedulò, & diligenter; vt juris, & iudiciorum æquitate suum quisque teneat: ne vel tenuioribus imbecillitas, vel locupletioribus ad sua tuenda, aut recuperanda obfit inuidia. Quare non solum verbis, sed & vultu laborare magistratus debet: ne qua significari possit suspicio cupiditatis: quæ ex oculis maximè deprehenditur: propterè quod, vt Callistratus ait, non est constantis, & recti iudicis; cuius animi motum vultus detegit. Tum verò aures habere debet religiosas: easque non obtusas criminacione; sed vacuas, & omnium querelis æquè patentes: in quas non fictè, & simulatè, quæstus causa, insurrexit: sed quæ id, quod audiunt, existimentur audire: vt ad Q. Fratrem scribit M. Tullius Cicero. Nam & in hoc sapientia iudicis

dicis est, aut boni magistratus: vt in vtraque parte audienda diligentiam, & fidelitatem præstet: exemplo Magni illius Alexandri: de quo iam antè dictum est. Quo modo & Attica lege iurabant iudices: se velle, vt Græcè loquar, ὅμοιως ἀμφοῖη ἀκροᾶσθαι.

Quod & Phocylides præcipit hoc versu:

Μηδὲ οἰκητὸν πρὶν αὐτὸν μῆθον  
ἀκόσιον. Nam, vt Menander ait,  
ὅ προκαταγενώσκων, πρὶν ἀκόσια σαφῶσ,  
ἀντὸς πονηρὸς ἐσι, πιεύσασ κακῶσ.

Quam sententiam hoc modo protulisse videtur Seneca in Medea:

*Qui statuit aliquid, parte inaudita altera:*

*Æquum licet statuerit, haud æquus fuit.*

Maximè verò cauere debet iudex, aut magistratus: ne à iustitia, & æquitate abduci se patiatur, aut munerum corruptela, aut magnitudine pecunia: néue quæstum putet pietatem, & pecuniam quasi mercedem prudenter: quum ingentes diuitiæ, iudiciorum religionem, veritatemque soleant perfringere: & hebetare sensus humanos: & opiniones iustas peruertere. Nam Stratoclem, & Dromoclel dem quis iniquo animo non ferat: quorum sermo omnis erat; quum de Republica, aut iudicio conferrent: vt se mutuò ad messem auream inuitarent? Quid? quòd sacrilegij genus habitum est: accipere munera in magistratu:

stratu: quod & diuinis, & humanis la-  
gibus summè vindicari solet. Vnde Iusti-  
nianus Imperator vetat judices ullum lu-  
crum contingere debere: sed præ aljis o-  
mnibus mundas Deo, & magistratui, le-  
gibusque manus perpetuò seruare. Et alio  
in loco auaritiam omnium malorum ma-  
trem nominat: maximè si ea non priua-  
torum, sed iudicium animis inhæreat. Ad  
summam, ne vos pluribus teneam; A V D I  
T O R E S: is demum bonus magistratus, an  
iudex est: qui veritatem in omnibus sibi pro-  
positani habet: quam solam intuetur: & ad  
quam, veluti ad Lydium lapidem, omne iu-  
dicium suum accommodat. Quod olim Ae-  
gyptij sacerdotes (quos eosdem quoque iu-  
dices fuisse constat) Principem suum, quem  
omnium optimum atque æquissimum ell-  
oportebat; monere voluerunt: Sappho  
gemma, quæ Veritatis nomine nuncupab-  
tur, de collo ipsius suspensa: quod nimis  
is veritatem in animo, menteque insitam,  
infixam, perpetuò secum circumferre de-  
bet: quippe cuius munus sit, verum semper  
sequi. Caveant igitur omnes, qui magist-  
rum gerunt: & prudenter attendant: ne  
causis dijudicandis, (Libet enim mihi In-  
nocentij Quarti Pontificis verbis vti) qui  
quam sibi aut odium vindicet; aut fau-  
vsurpet: vtque timor exulet: neue præmium

aut expectatio præmij, iustitiam euertat: sed  
ut stateram gestent in manibus: & lances ap-  
pendant æquo libramine: denique ut in  
omnibus, quæ in causis agenda erunt; præ-  
sartim verò in concipiendis, & ferendis sen-  
tentijs, præ oculis habeant solum D E V M;  
secundum cuius imperium iudicent: cogi-  
tantes illud, se D E V M omnium suarum  
actionum habere testem, ac vindicem: cui  
sux aliquando administrationis rationem  
reddituri sunt. Atque hæc ego breuiter de  
Principis illius Thebani simulacro responde-  
re volui: quæ omnia non minùs docto,  
quàm arguto Epigrammate complexus est  
Andreas Alciatus, Iurisconsultus clarissi-  
mus: quod vobis ad extremum recitabo:

*Effigies manibus truncæ, ante altaria diuīm  
Hinc resident: quarum lumine capta prior.*

*Signa potestatis summæ, sanctique Senatus,  
Thebanis fuerant ista reperta viris.*

*Cur resident? quia mente graues decet esse quieta  
Iuridicos: animo nec variare leui.*

*Cur sine sunt manibus? capiant ne Xenia: nec se  
Pollicitis flecti, muneribusne finant.*

*Cæcus at est Princeps: quod solis auribus, absq;  
Affetu, constans iussa Senatus agit.*

D I X I.

PRO